



die Regel mit dem Absehen in den 100. Puncten geleudet hast/ so
 nim sy hinweg/ vnd leg sy vff den 50. Puncten vff der Standre-
 gel zwüschend die Buchstaben a. b. Vnd wo du vff den ande-
 ren Reglen 50. Puncten findest/ so sprich/ es sind 100. Schuch
 (ja wenn du den stand auch mit Schuchen gemessen hast) Vnd
 wenn es sich aber nit wolt abschnyden/ von wegen daß es wyt an
 das ort hinuß were/ so magst du die Regel mit dem Absehen vff den
 25. Puncten legen/ vnd für 100. zellen/ vnd vff den anderen Reg-
 len auch also.

Wyer wenn du wyt woltist messen / so must du auch ein wy-
 teren stand nehmen: zu einem Exempel/ du nehmist 1000. schuch